

Vuk'uzenzele

Uyefulelwa Lumphiko Lwuhulumende Lwetekuchumana Netekwatisa (i-GCIS)

English/Siswati

Indlovlenkhulu 2022 Lushicilelo 1

I-SONA 2022: Kwenta ncono timphilo tebantfu netindlela tabo tekutiphilisa

Hulumende utibophelele ekucaliseni bantfu embili, futsi utinikete tinsuku leti-100 kutsi acedzele luhlelo lekukhulisa umnotfo wase-Ningizimu Afrika lolutawufaka yonkhe imikhakha yemango, lolutawuvula ematfuba emisebenti nalolutawucedza indlala.

Loku kugcizelelwe ngu-Mengameli Cyril Ramaphosa kuNkhulumo YaMengameli Yebunjalo Belive Yemnyaka we-2022.

“Lomsebenti utawentiwa usukele kulesisekelo saLoluhlelo Lwekakhwiwa Kabusha Nelekusimamisa Umnotfo, lokutawuhlala kuluhlelo lwetfu lolujwayelekile lekwa khabusha umnotfo,” usho njalo.

Mengameli utsite lokucaliswa embili nguhulumende kuncoba lobhubhane Wesifo seKhorona (i-COVID-19), kwakha sakhiwonchanti, kukhulisa imikhicito yalolive, kwakha ematfuba emisebenti kanye nekubukana nalenhlekelele yetemandla agezi.

“Uma ngabe kunentfo leyodvwa lesivumelana ngayo



sonkhe, ngukutsi kulesikhatsi lesikuso nyalo – sekukhula kwebuphuya, sekuswelakala kwemisebenti kanye nesekungalingani – asikavumeleki futsi asinakusimama.”

Kwakha ematfuba emisebenti

Lomnyaka lophelile, lizinga lekungasebenti lafinyelela emazingeni lasetulu kakhulu lema-34.9% kwikota yesitsatfu, ngenca yalokucekelwa phasi kwemnotfo lokwabangwa yi-

COVID-19.

“Siyati sonkhe kutsi hulumende akakhi imisebenti. Emabhizinisi ngiwo lakha imisebenti. Umsebenti lomcoka wahulumende kwakha simo lesitawenta imikhakha letimele – yomibili lomkhulu nalomncane – kutsi ihlangane, ikhule, ifinyelele etimakethe letinsha, yakhe imikhicito jemisha, nekutsi ikhulise lizinga lekucasha basebenti,” usho njalo.

Bacishe babe-80% bantfu

labasebentako labacashwe ngumkhakha lotimele.

Mengameli utse hulumende utawutfula luhlelo lolusha lwesicinisekiso semalimboleko kute kululame emabhizinisi lamancane.

Luhlelo LwaMengameli Lwekugcugcutela Kucashwa, loseluvele lusekele ematfuba ekucashwa la-850 000, lutawukhuliswa. Linyenti lalabo labazuzile bekubantfu labasha; bomake labangetulu kwe-60%.

Loluhlelo lwekugcugcutela kucashwa lutawenta kutsi Litiko Letasekhaya likhona kucasha lusha lolungasebenti lolu-10 000 lolutawusebenta kwenta emarekhodi emaphepha abe dijithali, futsi Sikhwama Sekucashwa Kwe-mmango sitawakha lamanye ematfuba emisebenti la-50 000.

Litiko Letemfundvo Lephakeme Netekucecsha litawufaka bantfu labangasebenti labaneticu tebuchwepheshe netemisebenti yetandla neyetekecsha laba-10 000 etindzaweni tekusebenta kusuka ngaMabasa 2022.

Lenkhundla i-SAYouth.mobi

lesita bantfu labasha labafuna kufinyelela kumatfuba emisebenti nekwekelwa nyalo seyibhalise bantfu labasha labangetulu kwetigidzi leti-2.3. Kulaba, labangetulu kwe-600 000 sebakhiwe etindzaweni letinematfuba ekusebenta.

“Lumphiko Lwelusha Lwave-lonkhe loluvuselelwe kabusha lutawucasha licembu lalo lekucala lebantfu labasha laba-50 000 kulomnyaka lotaka [wa-2023], ngekuvula ematfuba ekutsi bantfu labasha bahlanganyele nemimango yabo, batfufukise emakhono abo nangekutsi bakhulise ematfuba ekutsi bacasheke.

Sibonelelo se-SRD siyachubeka

Sibonelelo Sahulumende Sekucedza Kukhatsateka lokubangwe yi-COVID-19, lesincedze bantfu labangasebenti labangetulu kwetigidzi leti-10, selulelwe sikhatsi lesingulomunye umnyaka – sitawuchubeka kute kube kusekupheleni kweNdlovulenkulu 2023.

Kwengeta, hulumende nebalingani bakhe batawubuka tindlela tekuchubeka kusekela bantfu labakhatsatekile ngekwetimali ngendlela lengakhonakala kulelive yesikhatsi lesidze.

Iyachubeka elikhasini lesi-2



INKHULUMO YEBUNJALO BELIVE

Likhasi 8-9



HLALAY UPHEPHILE

GOMA KUTE UVIKELE ININGIZIMU AFRIKA

SISONKHE SINGALINCOBA LIGCIWANE LWE-CORONA



Luhlelo le-Telkom lekufukamela luchuba tisombululo te-ICT

Likhasi le-10



Kufundza i Vuk'uzenzele faka iGOVAPP ku:

Available on the App Store

Bheka - SA Government ku Google playstore nome appstore

TSINTSANA NATSI

f Vuk'uzenzele @VukuzenzeleNews

Iwebhusaythi: www.gcis.gov.za I-imeyli: vukuzenzele@gcis.gov.za

www.vukuzenzele.gov.za Lucingo: (+27) 12 473 0103

Tshedimosetso House:
1035 cnr Frances Baard and Festival streets, Hatfield, Pretoria, 0083

ELEMAHHALA ALITSENGISI



Sesisondzele Sikhatsi Sekuphela Kwesimo Senhlekele e-SA

Mengameli Cyril Ramaphosa usandza kumemetela Enkhulumeni Yebunjalo Besive (i-SoNA) yakhe yemnyaka we-2022 kutsi hulomende uhlele kususa Lesimo Savelonkhe Senhlekelele njengoba lelive lingena kusigaba lesisha sekulawula lobhubhane Wesifo Seligciwane leKhorona (i-COVID-19).

“Kuyinhloso yetfu kucedza Simo Senhlekelele Yavelonkhe masinyane uma sesivumelene ngaletinye tindlela letingaphasi kweMtsetfo Wavelonkhe Wetemphilo kanye naleminyane imitsetfo

yekulawula lobhubhane,” kusho Mengameli.

Mhla ti-15 Indlovulenkulu 2020, Mengameli Ramaphosa wamemetela leSimo Senhlekelele Yavelonkhe ngekulandzela Umtsetfo Wekulawula Inhlekelele futsi wamemetela tindlela letehlukahlukene tekuvikela kucubuka kwe-COVID-19.

Mengameli Ramaphosa utse cishe yonkhe imibandzela lemeyelana netemnotfo netenhlo sevele isusiwe, ikakhulu ngenca yalokwetfulwa kwaloluhlelo lwekuphahlelwa kwemitsi yekugoma.

Ukhumbute bantfu kutsi imitsi yekugoma iyincenye

lencono yekuvikela kugula, kufa ne-COVID-19, lesevele itsetse imiphumulo yebantfu lecishe ibe-100 000 eveni letfu.

“Bengisolo ngisho ngekubona kwami kutsi, uma ngabe bengingakagomi, ngeNgongoni ngesikhatsi ngibanjwa yi-COVID-19, ngiyatsembe kutsi ngabe akusimi lome lapha,” wabeka njalo.

Mengameli utsatse lesikhatsi kuncusa bantfu baseNingizimu Afrika kutsi batfole lomtsamo losindzisa imphilo futsi bachubeke nekulandzela tindlela tetemphilo letisisekelo nekutsi bahlale bacaphele njalo.

“Sitawukhona kuchubeka

ngetimphilo tetfu, nanoma ngabe leligciwane lise-mkhatsini kwetfu,” usho njalo, wangeta ngekutsi leligciwane likhulise ligeba lelisemkhatsini kwalabo labasebentako nalabo labangasebenti.

Sikhwama Sekubumbana

Mengameli Ramaphosa wamemetela kutsi leSikhwama Sekubumbana sitfole emabhiliyoni la-R3.4 lavela ebantfwini baseNingizimu Afrika nakutinkhapani, ngaleso sikhatsi bantfu labangetulu kwe-400 netinkhapani leti-100 bavolontiya ngesikhatsi sabo nangetinsita tabo.

“Lesikhwama sadlala indzima lenkhulu kusekela kumphendvulo yetemphilo tavelonkhe nasekucedzeni lenhlekelele lebukene nelive letfu kanye nebantfu

bakitsi.”

Ubonge wonkhe umuntfu lonikelile kuleSikhwama, lokufaka ekhatsi Emalunga Ephalamende kanye naletinye tindlela tekusekela labo labatsintsekile ngalobhubhane.

Mengameli uphindze watfula sigcoko kuletisebenti tetemphilo letinengi naletinye tisebenti letenta umsebenti lobucayi etikhungweni tetemphilo letidlale indzima lenkhulu ekulweni ne-COVID-19.

“Sive kufuneka sibonge kakhulu kuletisebenti tetemphilo ngekutibophelela kwato nakuleto letenta umsebenti lobucayi ngekutidzela ngemphilo yato nangekubeka imphilo yato engotini kute tinakekele labagulako nalabo lababutsakatsaka ngalekhatsi,” usho njalo. -

- SAnews.gov.za

Ichubeka isukela elikhasini le-1

Kufinyelela ekutfolakaleni kwemhlaba

Hulumende uyachubeka netingucuko temhlaba futsi ulindzele kutsi Umtsetfosivinywa Wekubuyiselwa Kwemhlaba uphasiswe kulomnyaka. Kusungulwa kwe-Ejensi Yekutfutukisa Tekulima Neyetingucuko Temhlaba nako kutawucedzelwa kulomnyaka.

“Litiko Letemisebenti Yahulumende Nelesakhawonchanti litawuphotfula kundluliswa kwemahektha emhlaba wahulumende la-14 000 uye ku-Ejensi Yekutfutukiswa Kwetindlu,” usho njalo Mengameli.

Ungete ngekutsi kunemhlaba wekulima lowanele longakhona kusekela tigidzi tebalimi labancane labafuna kungena kutekukhulisa tinkhukhu, kutekufuya tilwane, kutekutjala titselo nemifino.

Sevele, bawatfolile balimi labangetulu kwe-100 000 emavawusha ekukhulisa imikhicito yabo futsi loluhlelo lutawukhuliswa lufinyelele nakulabanye balimi.

Inkohlakalo nebugebengu

Kusuka ekusungulweni kweKhomishini Yeluphenyo Lwekubamba Umbuso Ngabhongwane, kuya kuluphenyo lwetinkhontileka letimayelana ne-COVID-19, Mengameli Ramaphosa akashiyi lutfo uma kufika endzabeni yekucedza inkohlakalo.

“Ayikho imitamoyetfu yekuvuselela umnotfo lengaphumelela uma singalwinalomkhuba wenkohlakalo uze uphele,” usho njalo Mengameli.

Kungakendluli lusuku lwamhla ti-30 Inyoni, Mengameli utawetfula luhlelo lolutawulandzelwa lolutawuphendvula kuletincomoteKhomishini.

Uchazile kutsi ema-ajensi lahlukene ahulumende bewasebentisana kubona labo labangenti kahle, kubajezisa, nekubuyisela emuva imali yaHulumende leyebiwe.

Tekuvikela netekuphepha titawuniketwa emandla ngekucashwa kwemaphoyisa la-12 000 nangekwakha kabusha tinkhundla tetemaphoyisa temmango.

Kulwa ne-GBVF

Hulumende utawuphindza futsi achubeke kucinisa kulwa Nebudlova Lobucandzise Kubulili Lobutsite Nekubulawa Kwebesifazane (i-GBVF) kulomnyaka, ngekusebentisa Luhlelo Lwendlelalisu Yavelonkhe kute-GBVF.

Kunemitsetfo lemitsatfu lemisha lesevele isebenta kunika emandla loluhlelo lwetebulungiswa kutebugebengu nekusekela labo labasindzile. “Kusetjentiswa kwalomtsatfo kutawusita kakhulu kucinisekisa

kutsi emacala ashushiswa ngemphumelelo, kutsi labo labasindzile bavikeleke nekutsi kunetintfo letingetive letisebenta kancono letibekiwe tekubavikela.”

Lomunye walemitsetfo Mengameli bekakhuluma ngawo Ngumtsetfo Wekuchibiyela Tindzaba Tetebugebengu Nalokuphatselele Naloko lovikela labo labasengotini kutsi bangahlukumeteki kwesibili. Lomtsetfo lona uvumela tinkhantolo kutsi tikhetse bangeneleli labangenta luhlolo emntfwaneni lomncane, emuntfwini lonekukhubateka noma emuntfwini losekagugile ngesikhatsi licala lisachubeka.

Mengameli bekakhuluma futsi ngaLomtsetfo Wekuchibiyela Umtsetfo Wetebugebengu (Emacala Etemacansi Nalokuphatselele Naloko) lomusha lowenta kube licala kucashatwa ngekwelicansi nekungfundzisa temacansi bantfu

labagula ngekwegcondvo. Lomtsetfo uphindze ubeke kutsi emacala etemacansi lentiwa ebantfwini labagula ngekwegcondvo kufuneka abhalwe kuRejista Yavelonkhe Yetaphula Mtsetfo Tetemacansi.

Umtsetfo Wekuchibiyela Teludlame Lwasekhaya ulandzisa ngaletinye tintfo letiyinkhanga kubudlelwane basekhaya lobuneludlame. Lomtsetfo uvumela kutsi kube netinchubo tekutfole imiyalo yasenkhantolo yekuvikela, futsi wandzisa letimo lekungafakwa ngato sicelo semyalo wasenkhantolo wekuvikela.

Mengameli Ramaphosa utse Lomtsetfo lona uphindze uvikele bantfu lasebagugile kunoma nguluphi luhlobo lweludlame lwasekhaya, futsi uvumela labo labafaka sikhalo kutsi bafake sicelo sekutfole incwadzi yesincumo sasenkhantolo sekuvikeleka nge-intanethi, bongwe sikhatsi netindleko tekuhamba.



government communications

Department: Government Communication and Information System
REPUBLIC OF SOUTH AFRICA

Tel: 012 473 0353

Email: vukuzenzele@gcis.gov.za

Address: Private Bag X745, Pretoria, 0001

Acting Head of Editorial and Production
Tyrone Seale | tyrone@gcis.gov.za

Acting Editor-in-Chief
Zanele Mngadi | zanelemngadi@gcis.gov.za

Managing Editor
Irene Naidoo | irene@gcis.gov.za

Writers
More Matshediso
Silusapho Nyanda

Graphic Designers
Tendai Gonese | Benny Kubjana

Production Assistants
Jauhara Khan | Sebastian Palmer

Language Practitioners
Nomgcibelo Motha | Boitumelo Phalatshe
Thandolunye Magudulela | Sizwe Ziqubu

All rights reserved. Reproduction of the newspaper in whole or in part without written permission is strictly prohibited.

Vuk'uzenzele
is published by Government Communications (GCIS)



Printed by:



Distributed by:





"Manje sesikhatsi sefu sonkhe sekutsi sisebentisane, sihloniphe Nelson Mandela, sakhe iNingizimu Afrika lensha, lencono yawonkhewonkhe."

MENGAMELI CYRIL RAMAPHOSA

#SendMe

SIKWAKHELA LIKUSASA LELINCONO
KUFUNDZA KULOKO LOKWENTIWA NGUMADIBA



Hulumende nemkhakha lotimele bamcoka ekukhuliseni umnotfo

Njengoba sisebenta kukhulisa umnotfo wetfu nekwakha ematfuba emsebenti, kunekucocisana lokubanti lokumayelana netindzima letehlukene lekumele tidlalwe nguhulumende nabosomabhizinisi kute kufinyelelwe kuletinhloso.

Labanye bantfu babona kutsi kufuneka sikhethse emkhatsini, kulolunye luhlangotsi, sive lesisatfufuka lesidlala indzima lemcoka kutingucuko temnotfo nakutenhlalo, kantsi, kulolunye, kufuneka kufakwe umfutfo, ekukhuliseni umkhakha lotimele lohamba embili ekukhuliseni umnotfo nasekuvuleni ematfuba emsebenti.

Liciniso litsi sikudzinga kokubili loku. Sidzinga sive lesikhona kutfutfuka kanye nemkhakha lotimele losebenta kahle nalosheshisako. Kudzingeka kutsi yomibili imikhakha isebentisane futsi ihambisane.

Lomcondvo lona awusimusha. Eminyakeni lemashumi lamatsatfu leyengca, ngenyaka we-1992, i-African National Congress yavumelana ngedokhumenti lenesihloko lesitsi 'Ready to Govern'. Ledokhumenti iniketa tinkhombandlela teNingizimu Afrika yentsandvovelyinyenti futsi, kuleminyaka lemashumi lamatsatfu, ibe nemtselela ekukhombeni kutsi kufuneka kuphatfwe ngekulandzela intsandvovelyinyenti nangekunikana ematfuba.

Ledokhumenti letsi 'Ready to Govern' beyihlose kutsi kube nahulumende wentsandvovelyinyenti lotawusebenta kuchumanisa,

kuhlela kanye neku-khomba indlela yekutfutukisa umnotfo lotawuba nephethini yekukhula kwemnotfo lotawuletsa kusimama nekubambisana nembutfo wetinyonyane tebasebenti, emabhizinisi kanye naletinye tinhlaka temmango.

Ledokhumenti beyikhuluma ngesidzingo sekutsi kube nenchubomgomo yetemnotfo letawuletsa intsandvovelyinyenti kute-mnotfo bese yakha ematfuba emisebenti letawunika bantfu baseNingizimu Afrika imiholo lesezingeni lekutiphilisa.

Ledokhumenti futsi beyihlose kutsi kube 'nemkhakha lotimele loshukumako, lotawusebentisa emakhono nekuhlakanipha kwawo wonkhe umuntfu waseNingizimu Afrika ...nekutsi emabhizinisi asebente ngendlela lefaka ligalelo lelikhulu ekwakheni ematfuba emisebenti, lokutawuhlala kukhutsatwa njalo.'

Kulenkhumulo YaMengameli Lemayelana Nebunjalo Belive yakamuva, ngichazile kutsi kufuneka hulumende, emabhizinisi nebasebenti basebentisane njani, kube nguloyo naloyo asebentise likhono lakhe lelingakavami, kwakha ematfuba emsebenti.

Lenye yetintfo letihamba embili ekukhuliseni umnotfo nekucashwa kwebantfu ngilamabhizinisi ahulumende (ema-SOE). Akhicita gezi, alawula emacweba, akha imigwaco futsi apha-kela emanti ladingwa ngumnotfo kute ukhona kusebenta.

Kusukela kwafika intsandvovelyinyenti, lama-SOE



akhulise kukhulu kufinyelela kutinsita letisisekelo kulabo labaphuyile. Kungako incenye lebuyayeli yeluhlelo lwetfu kukukhulisa emabhizinisi ahulumende, kuwabuyisele esimeni semnotfo lesikahle, kutfutukisa kusebenta kwawo nekutsi siwente kutsi adlale indzima lemcoka kakhulu naletawuletsa inzuzo kute-mnotfo.

Kuliciniso loko lokuhloswe 'yi-Ready to Govern', hulumende uholo kokubili kukhula kwemnotfo netingucuko ngekusebentisa tintfo letifana netinchubomgomo tekucudzelana, tibonelelo tekufukulwa lokubanti kwebantfu labamnyama kute-mnotfo kanye nemitsetfo yetekulingana emsebentini, nangekuchumanisa kuniketwa kwemalaysensi lahlukahlukene kute asebente yonkhe indzawo kanye netibopho tekunikwa emandla.

Hulumende futsi uya-tsintseka ngco ekukhiciteni ematfuba ekucashwa ngetulu kwalawo alabo labasebenta kuHulumende. Loluhlelo Lwemisebenti Yahulumende Lolululiwe, lolwacala kusebenta kusukela ngemnyaka we-2003, selukhucite ematfuba emise-

benti ebantfwni labatigidzi.

Esikhatsini lesisandza kwendlula, aphendvula kulomtselela lomubi walobhubhane we-COVID-19, lohulumende lona ungamele kukhula lokumcoka kakhulu kwekucashwa nguhulumende emlandvweni walelive.

Luhlelo LwaMengameli Lwekugcugcutela Kucashwa lisekele ematfuba emisebenti langetulu kwe-85 000 etinyangeni leti-16 kuphela. Kungeta kulokukhula kwekucashwa nguhulumende, sisite bantfu labasha labangasebenti kute sibalungiselele kusebenta, sibente bacasheke kanye nekubachumanisa nematfuba.

Kunaletinye tindlela letinengi hulumende langafaka ngato ligalelo ngco ekuvuleni ematfuba emsebenti, lokufaka ekhatsi kusisa kakhulu kusakhiwonchanti, kusungula tindzawo letikhethsekile tetemnotfo nangekusekela timboni leticasha bantfu ngebunengi.

Kulomnyaka sigcile kakhulu kumabhizinisi lamancane, lasafufusa, kutinhlango temabhizinisi nakumkhakha longakahleleki.

Ngalokuhlela kabusha sicinisekiso semalimboleko

lesatfulwa ngasekucaleni kwetinyanga tekubhedvuka kwabhubhane we-COVID-19, senta kutsi imali 'longaphindza uyibolekwe' itfolakale kalula kumabhizinisi lamancane.

Sikhulisa lesikhutsati sekuncishicelwa intsela futsi sibuka letinye tingucuko tekulawula letehlukahlukene kute sente kuba malula kutsi emabhizinisi lamancane akhona kucasha bantfu labanengi.

Njengoba ngishilo ku-Nkhulumo YaMengameli Yebunjalo Belive, leti nguletinye tetindlela lesititsatsako njengahulumende "kwenta simo lesitawenta umkhakha lotimele usebente – yomibili umkhakha lomkhulu nalomncane – kugcama, kukhula, kufinyelela etimakethe, kwakha imikhicito lemisha nekungeta kucashwa kwebasebenti."

Umkhakha lotimele ucasha emakota lamatsatfu ebasebenti baseNingizimu Afrika futsi ubukene nekusisa lokungetulu kwesigamu lesingulokubili kulokutsatsa kanye netindleko teluphenyo netekutfutukisa.

Edvute nesive lesineli-khono nalesisatfutfuka, live letfu lidzinga umkhakha lotimele lokhulako losisa kumakhono ekukhucita.

Njengoba umkhakha wangasese ukhula, tindlela tebantfu labanengi tekuphila tiyasekelwa futsi tiyasi-mama. Imphahla netinsita tiyaphakelwa ngebunyenenti futsi nahulumende wentsandvovelyinyenti uyakhona kugcogca ngalokungetiwe intsela kute kutfutukiswe tenhlalo.

Ledokhumenti 'i-Ready to Govern' itsi umsebenti wahulumende "kufuneka kube kucondzanisa tidzingo temnotfo wavelonkhe ngendlela levumelana netimo", nanoma ngabe loko kukhulisa umkhakha wahulumende etindzaweni letibucayi noma kuwunciphisa kuletinye tindzawo.

Angeke sikhona kutfola umnotfo lonjena ngaphandle kwekuba nako kokubili sive lesinemandla nalesisatfutfuka kanye nemkhakha lotimele lofaka konkhe, lo-khula masinyane. Akufuneki sicelewe kutsi sikhethse kunye noma lolokunye. Sikudzinga kokubili.